

भूतेषा॒त्मा॒नं जुह॒व॒ानि भू॒तानि चा॒त्म॒नीति॒ तत्सर्वेषु॑ भू॒तेषा॒त्मा॒न७ जु॒त्वा भू॒तानि
 चा॒त्म॒नि सर्वेषां॑ भू॒ताना॑ ७ श्रे॒ष्ठ७ स्वा॒राज्य॒माधि॒पत्यं॑ प॒र्येत॒थैवैतद्य॒ज्ञमा॒नः सर्व॑मेधे
 सर्वा॒न्मेधा॒न्हु॒त्वा सर्वा॑णि भू॒तानि श्रे॒ष्ठ७ स्वा॒राज्य॒माधि॒पत्यं॑ प॒र्येति॑ ॥ १ ॥ स वा
 ऽए॒ष सर्व॑मेधो दश॒रात्रो॑ यज्ञ॒क्रतु॑र्भवति । द॒शाक्ष॒रा वि॒राड्वि॒राडु कृ॒त्स्नम॒न्नं कृ॒त्स्न-
 स्यै॒वान्ना॒द्यस्या॒वरु॒द्धौ त॒स्मिन्न॒ग्निं प॒रार्थं॑ चि॒नोति॑ प॒रमो॑ वा॒ऽए॒ष यज्ञ॑क्रतूनां य-
 त्सर्व॑मेधः प॒रमे॒णैवैनं॑ प॒रम॒तां ग॒मय॑ति ॥ २ ॥ त॒स्याग्नि॑ष्टुद॒ग्निष्टोमः॑ प्रथ॒मम॒हर्भव॑ति
 । अ॒ग्निर्वा॒ऽअग्नि॑ष्टुद॒ग्निष्टो॒मोऽग्नि॑मुखा उ॒ वै सर्वे॑ दे॒वाः सर्वेषां॑ दे॒वाना॒मात्यै॑ त॒स्या-
 ग्रे॒या ग्र॒हा भव॑त्याग्ने॒यः पुरो॑रुचः सर्व॑माग्ने॒यम॑सदिति ॥ ३ ॥ इन्द्र॑स्तु॒दुक्थ्यो॑ द्विती॒-
 यम॒हर्भव॑ति । इन्द्रो॑ वै सर्वे॑ दे॒वाः सर्वेषां॑ दे॒वाना॒मात्यै॑ त॒स्यैन्द्रा॑ ग्र॒हा भव॑त्यै-
 न्द्र्यः पुरो॑रुचः सर्व॑मैन्द्र॒म॑सदिति ॥ ४ ॥ सूर्य॑स्तु॒दुक्थ्यस्तृ॒तीयम॒हर्भव॑ति । सूर्यो॑ वै
 सर्वे॑ दे॒वाः सर्वेषां॑ दे॒वाना॒मात्यै॑ सौर्या॑ ग्र॒हा भव॑न्ति सौर्यः॑ पुरो॑रुचः सर्व॑ ७ सौर्य॒-
 म॑सदिति ॥ ५ ॥ वैश्व॑दे॒वश्चतु॑र्थम॒हर्भव॑ति । वि॒श्वे वै सर्वे॑ दे॒वाः सर्वेषां॑ दे॒वाना॒मा-
 त्यै॑ वैश्व॑दे॒वा ग्र॒हा भव॑न्ति वैश्व॑दे॒व्यः पुरो॑रुचः सर्व॑ वैश्व॑दे॒वम॑सदिति ॥ ६ ॥ आ॒श्व-
 मे॒धिकं म॒ध्यमं॑ प॒ञ्चमम॒हर्भव॑ति । त॒स्मिन्न॒श्वं मे॒ध्यमा॒लभ॑तेऽश्वमे॒धस्यै॒वात्यै॑ ॥ ७ ॥
 पौ॒रुषमे॒धिकं म॒ध्यम॑ ७ ष॒ष्ठम॒हर्भव॑ति । त॒स्मिन्मे॒ध्यान्पु॒रुषा॒नाल॑भते पु॒रुषमे॒धस्यै॒वा-
 त्यै॑ ॥ ८ ॥ अ॒प्तोर्या॒मः स॒प्तमम॒हर्भव॑ति । सर्वेषां॑ यज्ञ॒क्रतूना॒मात्यै॑ त॒स्मिन्सर्वा॑न्मे॒ध्या-
 ना॒लभ॑ते य॒च्च प्रा॒णि य॒च्चाप्रा॑णं व॒पा व॒पाव॑तां जुहोति त्व॒च उत्कर्त॑मव॒पाका॒ना ७
 सं॒त्रश्च॒मोष॑धिवनस्पतीनां प्र॒किर॑न्ति शु॒ष्काणां॑ चा॒र्द्राणां॑ चा॒न्नम॒न्नं जुहो॑त्यन्नस्यान्न-
 स्या॒त्यै सर्वं॑ जुहोति सर्व॑स्मै जुहोति सर्व॑स्या॒त्यै सर्व॑स्या॒वरु॒द्धौ प्रा॒तःस॒वने॑ जु॒तासु॑
 व॒पास्त्रे॒वमे॒व तृ॒तीयस॒वने॑ जु॒तेषु॑ ह॒विःषु॑ ॥ ९ ॥ त्रि॒णव॑म॒ष्टमम॒हर्भव॑ति । व॒ज्रो
 वै त्रि॒णवो॑ व॒ज्रेण॑ ख॒लु वै क्ष॒त्र ७ स्पृ॒तं तद्व॒ज्रेणै॒व क्ष॒त्र ७ स्पृ॒णोति॑ ॥ १० ॥ त्रय॒-
 स्त्रि॒ंशं न॒वमम॒हर्भव॑ति । प्र॒तिष्ठा॑ वै त्रय॒स्त्रिंशः॑ प्र॒तिष्ठि॑त्यै ॥ ११ ॥ वि॒श्वजि॑त्सर्व॒-